



Broj: 12/02-36-34858/26
Sarajevo, 28.07.2026. godine

Na osnovu Zaključka Vlade Kantona Sarajevo broj: 02-04-32645-5/26 od 29.06.2026. godine i čl. 7. i 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH”, br. 12/03, 34/03 i 65/13), člana 8. stav (1) Odluke o osnivanju Fondacije za kinematografiju Kantona Sarajevo („Službene novine Kantona Sarajevo”, broj 42/25), člana 7. stav (2) Fondacije za kinematografiju Kantona Sarajevo („Službene novine Kantona Sarajevo”, broj 42/25) i člana 4. Odluke o standardima i kriterijima za imenovanje na poziciju predsjednika i članova upravnog odbora Fondacije za kinematografiju Kantona Sarajevo („Službene novine Kantona Sarajevo”, broj 48/25), ministar kulture i sporta Kantona Sarajevo objavljuje

PONIŠTENJE JAVNOG OGLASA

Djelimično se poništava Javni oglas za izbor i imenovanje predsjednika i članova Upravnog odbora Fondacije za kinematografiju Kantona Sarajevo objavljen u dnevnom listu „Oslobođenje” 24.04.2026. godine i u „Službenim novinama Federacija BiH” broj 31/26 od 24.04.2026. godine i to u dijelu koji se odnosi na predsjednika Upravnog odbora te se istovremeno raspisuje

JAVNI OGLAS

za izbor i imenovanje predsjednika Upravnog odbora Fondacije za kinematografiju Kantona Sarajevo

I – Predmet javnog oglasa

Oglašava se pozicija za izbor i imenovanje Upravnog odbora Fondacije za kinematografiju Kantona Sarajevo i to

Predsjednik.....1

II - Način izbora, mandat i naknada za rad

Predsjednika Upravnog odbora imenuje Vlada Kantona Sarajevo na osnovu prijedloga ministra kulture i sporta Kantona Sarajevo.

Mandat predsjednika Upravnog odbora traje četiri godine.

Visina mjesečne naknade za rad predsjednika Upravnog odbora Fondacije za kinematografiju Kantona Sarajevo utvrđena je u članu 2. Odluke o utvrđivanju naknade za rad predsjednika i članova Upravnog odbora Fondacije za kinematografiju Kantona Sarajevo („Službene novine Kantona Sarajevo”, broj 48/25).

III - Opšti uslovi za nominaciju/imenovanje

Za predsjednika Upravnog odbora može biti nominiran/imenovan kandidat koji ispunjava slijedeće

opće uslove:

- da je stariji od 18 godina (**dokaz:** Izvod iz matične knjige rođenih),
- da je državljanin Bosne i Hercegovine (**dokaz:** Uvjerenje o državljanstvu),
- da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine od dana objavljivanja upražnjene pozicije (**dokaz:** potpisana i ovjerena Izjava),
- da se na kandidata ne odnosi član IX 1. Ustava Bosne i Hercegovine (**dokaz:** potpisana i ovjerena Izjava),
- da nije pod optužnicom Međunarodnog suda za ratne zločine u bivšoj Jugoslaviji (**dokaz:** potpisana i ovjerena Izjava),
- da nije na funkciji u političkoj stranci (**dokaz:** potpisana i ovjerena Izjava)
- da nije osuđivani za krivično djelo i za privredni prestup nespojiv sa dužnošću u upravnom/nadzornom odboru javne ustanove i da se protiv nje/ga ne vodi krivični postupak (**dokaz:** potpisana i ovjerena Izjava),
- da nije izabrani zvaničnik, nosioc izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine („Službene novine Federacije BiH”, broj 70/08) (**dokaz:** potpisana i ovjerena Izjava),
- da nije nosilac javne funkcije u smislu Zakona o prevenciji i suzbijanju korupcije u Kantonu Sarajevo („Službene novine Kantona Sarajevo”, br. 35/22, 44/22 - Ispravka i 52/22 – Ispravka) (**dokaz:** potpisana i ovjerena Izjava),
- da je saglasan da se njeni/govi lični podaci koriste i obrađuju u svrhu izbora i imenovanja predsjednika Upravnog odbora Fondacije za kinematografiju Kantona Sarajevo tokom cijelog procesa po ovom javnom oglasu, a u skladu sa Zakonom o zaštiti ličnih podataka („Službeni glasnik BiH”, broj 12/25) (**dokaz:** potpisana i ovjerena Izjava).

Napomena: Obrazac Izjave (Izjava o nepostojanju zakonskih smetnji za imenovanje, *Obr.-12-36-UPFkKS.Iz.*) za tačku III alineja 3,4,5,6, 7, 8, 9 i 10 može se preuzeti na web stranici Ministarstva.

Izabrani kandidat je dužan dostaviti Ministarstvu kulture i sporta potvrde da nije osuđivan za krivično djelo i za privredni prestup nespojiv sa dužnošću u Upravnom odboru Fondacije, kao i potvrdu da se protiv nje/ga ne vodi krivični postupak u roku od 30 dana od dana imenovanja na poziciju u Upravnom odboru Fondacije.

IV - Posebni uslovi za nominaciju/imenovanje

Kandidat koji se nominira/imenuje za poziciju **predsjednika Upravnog odbora** pored općih treba da ispunjava i sljedeće posebne uslove:

- da posjeduje diplomu visokog obrazovanja ili druge obrazovne ili akademske kvalifikacije najmanje VII stepen stručne spreme, odnosno visoko obrazovanje prvog ciklusa Bolonjskog sistema studiranja koji se vrednuje sa 240 ECTS studijskih bodova ili drugog ili trećeg ciklusa Bolonjskog sistema studiranja (**dokaz:** diploma),
- da ima najmanje pet godina radnog iskustva nakon sticanja diplome u oblasti kulture, kinematografije, umjetnosti, prava, ekonomije, upravljanja javnim sredstvima ili drugih relevantnih oblasti (**dokaz:** potvrda poslodavca o radnom iskustvu),
- da posjeduje iskustvo u rukovođenju projektima u oblasti kulture i umjetnosti (**dokaz:** potvrda izdata od institucija, javnih ustanova ili strukovnih udruženja i fondacija i sl., original ili ovjerena kopija ne starija od 3 mjeseca od dana objave Javnog oglasa),
- da posjeduje iskustvo u radu sa domaćim ili međunarodnim fondovima za kulturu i kinematografiju (**dokaz:** potvrda izdata od institucija, javnih ustanova ili strukovnih udruženja i fondacija i sl., original ili ovjerena kopija ne starija od 3 mjeseca od dana objave Javnog oglasa),
- aktivno znanje engleskog jezika (**dokaz:** potvrda škola ili drugih institucija koje se bave obučavanjem znanja stranih jezika),
- da nema privatni finansijski interes u Fondaciji (**dokaz:** potpisana i ovjerena Izjava),

- da je upućen u sadržaj i način rada organa upravljanja Fondacije (**dokaz:** potpisana i ovjerena Izjava),
- da nije zaposlen u Fondaciji (**dokaz:** potpisana i ovjerena Izjava),
- da nije zaposlen u Ministarstvu kulture i sporta Kantona Sarajevo (**dokaz:** potpisana i ovjerena Izjava),
- da ne postoji sukob interesa u skladu sa odredbama Zakona o prevenciji i suzbijanju korupcije u Kantonu Sarajevo.

Napomena: Obrazac Izjave (Izjava o nepostojanju zakonskih smetnji za imenovanje, *Obr.-12-36-UPFkKS.Iz.*) za tačku IV alineja 6, 7, 8, 9 i 10 može se preuzeti na web stranici Ministarstva.

V – Nadležnost Upravnog odbora

Upravni odbor Fondacije za kinematografiju Kantona Sarajevo obavlja sljedeće poslove: ostvaruje ciljeve Fondacije utvrđene ovim statutom; raspisuje javne pozive za sufinansiranje filmskih projekata uz saglasnost Ministarstva; predlaže kriterije za dodjelu sredstava, na koje saglasnost daje Ministarstvo, donosi odluke o dodjeli sredstava u skladu sa kriterijima, upravlja imovinom Fondacije; predlaže izmjene i dopune Statuta; predlaže osnivaču pripajanje, razdvajanje, transformaciju ili prestanak rada Fondacije; priprema finansijske i druge izvještaje; donosi planove poslovanja Fondacije; utvrđuje poslovnu politiku i strategiju razvoja Fondacije; donosi godišnje programe rada; odlučuje o raspodjeli i upotrebi sredstava uz saglasnost Ministarstva; donosi Pravilnik o procedurama i kriterijima za izbor korisnika sredstava Fondacije uz saglasnost Ministarstva, imenuje osobu ovlaštenu za zastupanje i predstavljanje Fondacije; donosi Poslovnik o radu Upravnog odbora Fondacije; donosi i druge akte iz nadležnosti rada Fondacije; radi i druge poslove u skladu sa Statutom i zakonom.

VI - Kandidovanje

Svi kandidati koji budu uvršteni na listi kandidata koji ulaze u užu izbor biće pozvani na intervju pred Komisijom za izbor.

Prije pristupa intervjuu kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima i popuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njihovog imenovanja.

Sve informacije u toku postupka kandidovanja su transparentne, osim ako informacije o podnosiocima prijava nisu povjerljive u smislu Zakona o zaštiti ličnih podataka. Kandidate koje, nakon intervju, predloži Komisija za izbor, smatrat će se da su najuspješniji prošli otvorenu konkurenciju. Vlada Kantona Sarajevo osigurat će da se izvrši i javno objavi konačno imenovanje.

VII - Prigovor

Zainteresirana stranka može podnijeti prigovor na konačno imenovanje, ako postoje dokazi da u procesu imenovanja nisu ispoštovani principi ili postupci utvrđeni Zakonom. Prigovor se podnosi ministru kulture i sporta Kantona Sarajevo, a kopija dostavlja Ombudsmenu za ljudska prava Bosne i Hercegovine.

VIII - Sadržaj prijave kandidata

Prijavljivanje se vrši **isključivo** putem obrasca prijave koja se može preuzeti na web stranici Ministarstva i to:

- Prijava za predsjednika Upravnog odbora Fondacije za kinematografiju Kantona Sarajevo (*Obr.-12-36-UOFkKS.Pr.Pred.*),
- Izjava o nepostojanju zakonskih smetnji za imenovanje, *Obr.-12-36-UPFkKS.Iz.* (za tačku III alineja 3, 4, 5, 6, 7, 8, 9 i 10 i tačku IV alineja 6, 7, 8, 9 i 10) jedna izjava za sve navedene tačke.

Za prijavu na ovaj javni oglas kandidati su dužni sljedeću dokumentaciju:

1. Prijavu (svojeručno potpisanu),

2. Biografiju,
3. Izvod iz matične knjige rođenih,
4. Uvjerenje o državljanstvu (ne starije od 6 šest mjeseci),
5. Diplomu o završenoj školskoj spremi,
6. Potvrdu o radnom iskustvu potpisanu i ovjerenu od strane poslodavca,
7. Potvrda izdata od institucija, javnih ustanova ili strukovnih udruženja i fondacija o rukovođenju projektima u oblasti kulture i umjetnosti,
8. Potvrda izdata od institucija, javnih ustanova ili strukovnih udruženja i fondacija o iskustvu u radu sa domaćim ili međunarodnim fondovima za kulturu i kinematografiju,
9. Potvrda škola ili drugih institucija o aktivnom poznavanju engleskog jezika;
10. Izjava (za tačku III alineja 3, 4, 5, 6, 7, 8, 9 i 10 i tačku IV alineja 6, 7, 8, 9 i 10) jedna izjava za sve navedene tačke.

Sve dokumente potrebno je priložiti **u originalu ili ovjerenoj kopiji**.
Dokumentacija se ne vraća.

IX – Objava i rok za prijavu

Oglas će biti objavljen u dnevnom listu „Oslobođenje”, „Službenim novinama Federacije BiH" i web stranici Ministarstva kulture i sporta Kantona Sarajevo: <http://mks.ks.gov.ba>.
Oglas ostaje otvoren petnaest (15) dana od dana posljednjeg javnog objavljivanja.

X - Adresa

Prijavu sa traženim dokumentima dostaviti lično na protokol Kantona Sarajevo ili poštom preporučeno sa naznakom na koverti:
„Prijava na Javni oglas za izbor i imenovanje predsjednika Upravnog odbora Fondacije za kinematografiju Kantona Sarajevo - NE OTVARATI” na navedenu adresu:

Kanton Sarajevo
Ministarstvo kulture i sporta
ul. Reisa Džemaludina Čauševića broj 1.
71 000 Sarajevo.

Na poleđini koverta potrebno je napisati ime i prezime i adresu stanovanja.
Nepotpune i neblagovremene prijave neće biti razmatrane.

MINISTAR

Kenan Magoda s.r.